

LUS QHIA RAU TUS NEEG MOB

Qhov kev pab hu ua National Hansen's Disease Programs (NHDP) muaj kev pab dawb rau:

- Muab tshuaj pab tus kab mob hu ua Hansen's disease
- Kev pab kuaj kab mob
- Mus ntsib kws kho mob ntawm NHDP thiab tej chaw kuaj mob nyob rau 15 lub nroog thiab lub tebchaws Puerto Rico

Yog xav paub ntxiv, thov ntsib NHDP:

Xovtooj 1-800-642-2477, hnuv Monday txog Friday 9 am txog 5:30 pm ET

(Hawaii: 1-808-733-9831).

Website: <http://www.hrsa.gov/hansens-disease>

Txhua tus uas nyob rau lub tebchaws United States, Puerto Rico lossis Cov Tebchaws uas U.S. tswj muaj feem tau txais kev pab kuaj mob thiab kho tus mob uas hu ua Hansen's disease (mob ruas)-tej kab mob zoo sib thooj los ntawm ib lub chaw hauv 16 lub chaw kuaj mob uas Tseemhvw-tswj nyob rau 10 lub Xeev thiab hauv Puerto Rico.

<http://www.hrsa.gov/hansens-disease/ambulatory-clinics.html>

Tshuaj pab rau tus kab mob Hansen's disease muaj pub rau cov neeg mob uas tsis nyob ze rau lub chaw kuaj mob HD uas zwm rau hauv National Hansen's Disease Programs (NHDP). Ib tus kws kho mob muaj feem xaj tshuaj (dapson, rifampin, clofazamine) los ntawm NHDP pub rau tus neeg mob uas tsis raug them nyiaj. NHDP muaj kev pab tswv yim thiab kuaj tej tawv nqaij rau tus kws kho mob uas tus neeg mob tsis raug them nyiaj rau cov kev pab no. NHDP yuav tsis them cov nqi mus ntsib kws kho mob thiab nqi kuaj mob hauv cov chaw nrhiav kab mob (laboratory).

Cov Lus Nug Feem Ntau:

Nug: Tus Kab Mob Hansen's Disease (HD) yog dabtsi?

Teb: Yog mob daim tawv nqaij thiab tej leeg, uas muaj kab mob nyob rau hauv. Yav dhau los muaj lub npe hu ua "mob ruas" ("leprosy").

Nug: Ua Li Cas Kuv Thiab Paub Hais Tias Kuv Muaj Tus Mob No?

Teb: Qhov tawv nqaij daj lossis muaj ntsis liab uas loog lawm. Txhais tes lossis txhais taw uas loog lawm yuav yog thawj zaus tus kab mob HD tshwm. Koj tus kws kho mob muaj feem kuaj tau yog nws hlais ib qho nqaij me me coj mus kuaj. Hais kom koj tus kws kho mob ntsib NHDP (saib kev sib txuas lus nyob saum toj no).

Nug: Yuav Kho Li Cas?

Teb: Tus kab mob no yuav siv tshuaj kho. Cov neeg mob uas siv tshuaj kho tus kab mob HD yuav kis tsis tau mus rau lwm tus. Cov tshuaj muaj pub dawb los ntawm NHDP.

Nug: Puas Muaj Ib Tus Twg Uas Cia Li Mob Tus Kab Mob No?

Teb: Cuajcaum tsib feempua ntawm cov tibneeg lub cev muaj peevxwm tiv thaiv tau tus kab mob HD. Muaj tej yam uas paub tsis txog, ua rau qee tus tibneeg lub cev tiv thaiv tsis tau tus kab mob, ces ua rau lawv kis tau tus kab mob thaum nyob ze ntawm ib tug tibneeg uas muaj mob es tsis siv tshuaj kho.

Nug: Tus Kab Mob HD Puas Kis Sai?

Teb: Nws tsis yooj yim tau tus kab mob HD. Nws tsis ua thoob plaws li ua xua (measles) lossis ua qoob (chicken pox). Feem ntau, tej zaum tsuas muaj ib tug hauv tsev neeg uas tau tus kab mob no xwb.

Nug: Puas Kis Tau Rau Lwm Tus Thaum Xeeb Tub Lossis Ua Niamtxiv?

Teb: Tus kab mob HD kis tsis tau ntawm tus leej niam mus rau tus menyuam. Tib yam li koj yuav kis tsis tau los ntawm kev ua niamtxiv.

Nug: Tus Kab Mob Ua Li Cas Rau Lub Cev?

Teb: Vim tus kab mob nyiam cov chaw txias ntawm lub cev, daim tawv nqaj thiab tej leeg yuav tau tus kab mob. Qhov no yuav ua rau daim tawv nqaj qhuav thiab txhav, mob, loog, thiab tej leeg tes lossis leeg taw tsis muaj zog.

Nug: Kuv Tej Ntiv Tes Lossis Ntiv Taw Puas Yuav Poob Mus?

Teb: Tsis poob. Teebmeem rau ntiv tes lossis ntiv taw yuav zam dhau los ntawm txhob ua raug mob thiab voos rau tej qhov no, thiab noj cov tshuaj kho tus kab mob HD.

Nug: Kuv Puas Ua Taus Haujlwm Mus Ntxiv?

Teb: Ib tug tibneeg uas muaj tus mob HD muaj peevxwm ua tau haujlwm thiab ua neej li qub mus.

Nug: Muaj Kev Kho Mob Nyob Qhov Twg?

Teb: Tshuaj kho tus mob HD muaj pub dawb rau cov neeg mob los ntawm lawv tus kws kho mob lossis muaj nyob rau ntawm lub chaw kuaj mob Hansen's Disease uas ze lawv.